

*Nunat Avannarliit Siunnersuisoqatigiivisa 63-issaanik ataatsimiinnerat*

*Nunani Avannarlerni Naalakkersuisuunerit ataatsimiinnerat – Nunani Avannarlerni inuiaqatigiit ammasut*

*København, novemberip ulluisa aallaqqaataat 2011*

*Kuupik Kleist, Naalakkersuisut siulittaasuat*

Qujanaq siulittaasoq. Siullermik aasaq inuiaat norskit alianartumik tupannaqisumillu nalaataqarnerat pillugu qamannga pisumik misiginneqataanerput oqaatigerusuppara. Taamani inuusuttut naalakkersuinikkut suliniartut pinerlineqarput. Norskit alianartumik nalaataqarnerat taamaasilluni isumaga malillugu misillernarnerulerpoq. Inuimmiuna inuunerat pineqartoq. Nunani Avannarlerni inuiaqatigiit ammasut pillugit oqallinneq ataqqinassuseqartumik naligiissumillu inuunermit iternga tikillugu tunngavoq. Stoltenberg isumaqatigilluinnarpara oqarmat inuunermi ataatsimut naleqartitatta ataatsimullu tunngaveqarnitta saassunneqarnerat mattukkiartulernermut sangutissannginnatsigu kisiannili ammanerulernermut inuillu oqartussaaqataanerannik pimoorussinerulernermut.

Ullumi Issittumi inuiaqatigiit sinnerlugit oqarsinnaasorivunga matuma siorna ukiut qilillit qassissunnguit tikillugit Issittormiut avinngarusimasumi inuusimammata ikittunnguullutik. Qanittumi inuit ilaata oqarneratut Killeqarfii Isorlersaattut taaneqartartumi inuttakilluta inuiaqatigiisugut ineriartornermi unammilligarput tassaagunarpoq avataaniit suliaartortunik amerlanerusunik nunasiortortoqalernissaa. Aggersoq tamanna soorunami upalungaarsarfigilluinnassavarput. Isumaqarpungali tamanna nallerpat Skandinaviami Nunanilu Avannarlerni inuit ataatsimoortut inuiaallu qassiit eqqisseqatigiillutik inuiaqatigiinnik patajaatsunik, ammasunik eqqissisimanartunillu attassinermi akuutitsinermik, ilinniartitaanermik inooqatigiinnermilu suliniuteqarnermik periaaseqarlutik ingerlatsinermi misilittagaat atorluarsinnaavagut.

Tamatumali saniatigut namminerisamik kinaassuseqarneq pivarput, namminerisamik patajaatsumik kinaassuseqarneq, kulturikkut nakimaatsumik kiinnertarneq - tamakkuupput inuiaqatigiit inuiaallu ataqqeqatigiinnerannik sanarfinermi qarmaatissat, imaanngilaq inunnik allaasumik eqqarsariaaseqartunik malersuiniutitut atorneqassasut.

Nunani Avannarlerni inuiaqatigiit ammasut pillugit oqallinneq qujaruttorujussuarput.  
Isumaqarpugut inuunermi tunngaviusumik naleqartitagut kingumut oqallisigissallugit  
pisariaqalersoq. Isumaqarpugut sumit kingoqqisuunerput apeqqutaatinnagu ataatsimut naleqartitatta  
nassariarnissaat piffissanngortoq. Qujanaq.